



Reglur um starfsstyrk listamanns Norðurþings

Norðurþing úthlutar starfsstyrk til listamanna í Norðurþingi samkvæmt eftirfarandi reglum:

1. Fjölskylduráð Norðurþings veitir ár hvert listamanni sem búsettur er í Norðurþingi nafnbótina „Listamaður Norðurþings“. Nafnbótinni fylgir starfsstyrkur í samræmi við fjárhagsáætlun sveitarfélagsins ár hvert. Upphæð styrksins skal koma fram þegar auglýst er eftir listamanni sveitarfélagsins.
2. Listamenn sem hafa framfæri af list sinni að einhverju eða öllu leyti og eiga lögheimili í Norðurþingi eiga rétt á að sækja um nafnbótina og starfsstyrkinn. Aðeins þeir listamenn sem búsettir hafa verið í Norðurþingi að minnsta kosti um tólf mánaða skeið koma til greina.
3. Hægt er að veita einstaklingi eða hópi starfsstyrkinn. Einstaklingur eða hópur getur fengið styrkinn oftár en einu sinni, en þó skulu aldrei líða færri en fimm ár á milli þess að sami aðili hlýtur styrkinn.
4. Fjölskylduráð auglýsir eftir umsóknum og/eða rökstuddum ábendingum um listamann og velur í kjölfarið listamann Norðurþings, en er þó ekki bundið af slíkum ábendingum. Í umsókninni skal koma fram á hvaða hátt listamaðurinn hugsi sér að láta sveitarfélagið og íbúa þess njóta listar sinnar. Auglýst skal á prent- og vefmiðlum sveitarfélagsins fyrir 1. maí ár hvert. Umsóknum skal skilað með rafrænni umsókn á vef Norðurþings.
5. Listamaðurinn skal tilnefndur við háfíðlega athöfn 17. júní ár hvert og ber hann titilinn í eitt ár.
6. Listamaður Norðurþings skal undir lok tímabils sem listamaður sveitarfélagsins kynna fyrir íbúum þau verkefni sem hann hefur unnið að, sveitarfélaginu að kostnaðarlausu. Það getur t.d. verið með sýningar- eða tónleikahaldi, samstarfi við félag sveitarfélagsins og skóla, eldri borgara og/eða aðra listamenn í sveitarfélaginu. Sveitarfélagið útvegar viðeigandi húsnæði til listviðburða ef þörf er á. Í lok tímabils skal listamaður Norðurþings einnig gera fjölskylduráði stuttlega grein fyrir því á hvaða hátt íbúar sveitarfélagsins hafa notið listar hans.
7. Fjölskylduráð mælist til þess að listamaður Norðurþings veki athygli á nafnbótinni sem víðast.
8. Gera skal skriflegan samning við listamanninn.

